

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
GRADONAČELNIK

Broj: 07-181/22
Srebrenik, 05.05.2022. godine

Gradonačelnik Grada Srebrenik postupajući po rješenju Komisije za rješavanje žalbi prvostepenih rješenja u upravnim stvarima Gradskog vijeća Grada Srebrenik, broj: 07-181-2/22 od 14.04.2022. godine, na osnovu člana 11. Privremene statutarne odluke grada srebrenik („Službeni glasnik grada Srebrenik“, broj 1/19 i 05/20), odredaba Odluke o korištenju javnih površina („Službeni glasnik Općine Srebrenik“, broj: 4/09, 2/12, 2/14 i 3/16) i odredaba Regulacionog plana „Centar“ Srebrenik („Službeni glasnik Općine Srebrenik“, broj: 3/15), donosi:

ODLUKU

o poništenju konkursa za prikupljanje ponuda za zakup javnih površina radi postavljanja ljetnih bašti u ulici Alije Izetbegovića u Srebreniku

I

Poništava se konkurs za prikupljanje ponuda za zakup javnih površina radi postavljanja ljetnih bašti u ulici Alije Izetbegovića u Srebreniku, broj: 07-181/22 od 08.02.2022. godine objavljen web stranici i oglasnoj ploči Grada Srebrenik kao i putem radija Srebrenik.

II

Odluka o poništenju konkursa iz tačke 1. ove odluke biti će objavljena na web stranici i oglasnoj ploči Grada Srebrenik, a obavijest o poništenju će se objaviti na radiju Srebrenik.

III

Odluka stupa na snagu danom donošenja.

O b r a z l o ž e n j e

Konkurs za prikupljanje ponuda za zakup javnih površina radi postavljanja ljetnih bašti u ulici Alije Izetbegovića u Srebreniku objavljen je dana 08.02.2022. godine na web stranici i oglasnoj ploči Grada Srebrenik kao i putem radija Srebrenik. Postupajući po predmetnom konkursu Komisija Gradskog vijeća grada Srebrenik za dodjelu građevinskog zemljišta sačinila je izvještaj od 16.03.2022. godine kojim se predlaže gradonačelniku Grada Srebrenika da za lokacije broj 1 i broj 2 sa UR caffè bar „Imperial“ zaključi ugovore o zakupu javne površine za postavljanje predmetnih ljetnih bašti na period od šest mjeseci, tj. na period april-septembar 2022. godine, a kako je i navedeno u predmetnom Konkursu.

Gradonačelnik je donio zaključak broj: 07-181-1/22 od 23.03.2022. godine kojim se obavezuje UR caffe bar „Imperial“ da sa Gradom Srebrenik zaključi ugovore o zakupu za lokacije broj 1 i broj 2, dalje navodeći kao u zaključku.

Na predmetni zaključak, Komisiji za rješavanje žalbi prvostepenih rješenja u upravnim stvarima Gradskog vijeća Grada Srebrenik žalbu su izjavili Udruženje za kreativni razvoj „Mali svijet“ Srebrenik zastupan po advokatu Suljagić Emiru i Fazlić Nesim iz Srebrenika zastupan po advokatu Imamović Sanelu.

Komisija za rješavanje žalbi prvostepenih rješenja u upravnim stvarima Gradskog vijeća Grada Srebrenik je svojim rješenjem broj: 07-181-2/22 od 14.04.2022 godine poništila Zaključak Gradonačelnika broj: 07-181-1/22 od 23.03.2022. godine, te predmet vratila prvostepenom ogranu na ponovno odlučivanje, uz uputu da u ponovnom postupku prvostepeni organ utvrdi da li je Konkurs za prikupljanje ponuda za zakup javnih površina sačinjen u skladu sa važećim propisima.

Odredbama člana 7. stav 1. Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova („Službene novine Federacije BiH“, br.17/14) je propisano da se raspolaganje, nekretnina u vlasništvu Federacije Bosne i Hercegovine, kantona gradova i općina kao jedinica lokalne samouprave objavljuje putem javnog oglasa najmanje u jednom dnevnom listu koji se izdaje u Federaciji Bosne i Hercegovine, i to najkasnije 15 dana prije dana određenog za dan licitacije. Kako predmetni konkurs nije objavljen niti u jednom dnevnom listu koji se izdaje u Federaciji Bosne i Hercegovine nego samo na web stranici i oglasnoj ploči Grada Srebrenik kao i putem radija Srebrenik, donesena je predmetna odluka o poništenju.

Dostaviti:

1. Oglasnoj ploči Grada Srebrenik
2. Službi za opću upravu i zajedničke poslove
3. Službi za prostorno uređenje i zaštitu okoline
3. UR caffe bar „Imperial“
ul. Zlatnih ljljiana b.b Srebrenik,
4. UR caffe bar „Arabisk“
ul. Alije Izetbegovića b.b Srebrenik,
5. UR buffet“501“ Tuzlanskog odreda b.b Srebrenik,
6. Suljagić Emir, punomoćniku Udruženje za kreativni razvoj „Mali svijet“
7. Imamović Sanel, punomoćniku Fazlić Nesima
8. evidencij,
9. arhivi



GRADONAČELNIK

dr. sci. Nihad Omerović